


續

通

志

逆臣傳

第一冊



續通志

逆臣傳

唐一

臣等謹案逆臣分類亦仿自新唐書宋遼金元各

史因之考鄭志列傳如莽卓輩皆列諸臣之末蓋

依史書舊文然臬鸞並載終覺混淆此等覆載不

容之人允宜別而出之以著斧鉞綦嚴之義今並

以類為次五代史無逆臣傳茲詳考事實併為補

編焉

按逆臣分類仿自新唐書宋遼金元各史因之洵足以著斧鉞綦嚴之義五代逆臣舊係雜傳茲為補編謹加案聲明

安祿山 高尚孫孝哲

史思明

按舊書云祿山本無姓氏與此作姓康互異謹加案聲明

安祿山營州柳城人也本姓康按舊書云本無姓氏與此異謹識母阿

史德為覲居突厥中禱子於軋犂山突厥所謂鬪戰神

者既而妊及生有光照穹廬野獸盡鳴望氣者言其祥

范陽節度使張仁愿遣搜廬帳欲盡殺之匿而免母以

神所命遂字軋犂山少孤隨母嫁突厥將安延偃因冒

其姓開元初延偃攜以歸國與將軍安道買亡子偕來

故道買子安節按舊書作安貞節與此異謹識厚德延偃約兩家子為

兄弟乃更名祿山及長伎忍多智善測人情通六蕃語

與史思明俱為捉生嘗以五騎擒契丹數十人幽州節

度使張守珪異之拔為偏將討奚契丹叛者輕進而敗

守珪奏斬之祿山臨刑呼曰公不欲滅兩蕃邪何殺我

守珪惜其勇更執送京師張九齡奏祿山面有反相請

因罪誅之帝曰卿勿以王夷甫識石勒枉害忠良竟赦

之按新舊書並載祿山以通蕃語為互市郎盜羊事發守珪欲誅之據通鑑胡三省注歷引玄宗實錄張九

齡傳及九齡集力辨其誤考証甚晰今据改正後以平盧兵馬使擢特進幽州

節度副使於是御史中丞張利貞採訪河北祿山百計

諛媚賄結左右利貞入朝盛言祿山能乃授營州都督

按祿山為四府經畧使原傳載入天寶元年今改正謹加案聲明

平盧軍使順化州刺史押兩蕃渤海黑水四府經畧使

按通鑑祿山兼四府經畧在開元二十九年本傳誤作天寶元年事今改正使者往來皆中

以賂交口薦譽玄宗始才之天寶元年分平盧為節度騎大將軍三載代裴寬為范陽節度河北採訪使仍領平盧軍祿山北還詔中書門下尚書三省正員長官御史中丞餞鴻臚亭四載奚契丹殺公主以叛祿山幸邀功肆侵掠於是兩蕃貳祿山起軍擊契丹還奏夢李靖李勣求食於臣遂命立廟又奏廟梁產芝其詭誕如此

時宰相李林甫嫌儒臣以戰功進尊寵間已乃請顯用蕃將故帝寵祿山益牢羣議不能輒揚貴妃有寵祿山請為妃養兒帝許之其拜必先妃後帝帝怪之答曰蕃人先母後父帝大悅命與楊銛及三夫人約為兄弟繇是祿山有亂天下意令麾下劉駱谷居京師伺朝廷隙六載進御史大夫封妻段為夫人晚益肥腹緩及膝奮兩肩若挽牽者乃能行作胡旋舞帝前乃疾如風帝視其腹曰胡腹中何有而大答曰唯赤心耳帝為起第京師以中人督役備極華侈時太平久人忘戰帝春秋高

嬖豔鉗固。李林甫楊國忠更持權。綱紀大亂。祿山計天下可取。逆謀日熾。每過朝堂龍尾道。南北睥睨。夕乃去。更築壘范陽北。號雄武城。峙兵積穀。養同羅奚契丹降者八千人為假子。教家奴善弓矢者數百。畜單于護真大馬三萬。牛羊五萬。引張通儒李廷堅。平冽李史魚。獨孤問俗署幕府。以高尚典書記。嚴莊掌簿最。阿史那承慶安太清安守忠李歸仁孫孝哲蔡希德牛廷珣向潤客高邈李欽湊李立節崔乾祐尹子奇何千年武令珣能元皓田承嗣田乾真皆拔行伍署大將。潛遣賈胡行

諸道歲輸財百萬。陰令羣賈市錦綵朱紫服數萬為叛資。月進牛橐駝鷹狗奇禽異物以蠱帝心。自以無功而貴。見天子盛開邊。乃給契丹諸酋大置酒。醉而殺之。先後數千人。獻馘闕下。帝不知。賜鐵券封柳城郡公。又贈延偃范陽大都督。進祿山東平郡王。九載兼河北道採訪處置使。賜永寧園為邸。入朝詔上谷郡置五鑪。許鑄錢。又求兼河東。遂拜雲中太守。河東節度使。既兼制三道。意益侈。男子凡十一。帝以慶宗為太僕卿。慶緒鴻臚卿。慶長祕書監。十載。

按通鑑及唐書玄宗本紀祿山敗于契丹並係天寶十載事本傳說

為十一載
今改正

率河東兵六萬討契丹以奚兵二千為鄉導
至土護真河。祿山計曰：道雖遠，我疾趨賊，乘其不備，破
之固矣。乃敕人持一繩，欲盡縛契丹。晝夜行三百里，次
天門嶺。會雨甚，弓弩皆弛，不可用。祿山督戰急，大將何
思德曰：士方疲，宜少息。祿山怒，欲斬之。乃請戰。思德貌
類祿山，及戰，契丹叢矛注矢，邀取之。傳言祿山獲矣。奚
聞亦叛，夾攻祿山。士畧盡。祿山中流矢，引奚兒數十，棄衆
夜走平盧。部將史定方以兵鏖戰，乃解圍去。十一載，祿
山忿前敗，乃悉兵號二十萬討契丹以報。帝聞，詔朔方

節度使阿布思以師會。阿布思者，九姓首領也。偉貌多
權略。開元初，為默啜所困，內屬。帝寵之。祿山忌其才，不
相下，欲襲取之。故表請自助。阿布思懼而叛，轉入漠北。
祿山不進，輒班師。會阿布思為回紇所掠，奔葛邏祿。祿
山厚募其部落降之。葛邏祿懼，執阿布思送北廷，獻之。京
師。祿山已得阿布思衆，則兵雄天下。愈偃肆，皇太子及
宰相屢言祿山反。帝不信。是時國忠疑隙已深，建言追
還朝，以驗厥狀。祿山揣得其謀，乃馳入謁。帝意遂安。凡
國忠所陳無入者。十三載，來謁華清宮。對帝泣曰：臣蕃

人不識文字。陛下擢以不次。國忠必欲殺臣。以甘心。帝慰解之。拜尚書左僕射。賜實封千戶。奴婢第產稱是。詔還鎮。又請為閑廐。隴右羣牧等使。表吉溫自副。其軍中有功。位將軍者五百人。中郎將二千人。祿山之還。帝御望春亭。以餞。斥御服賜之。祿山驚喜。懼國忠奏留。據通鑑改輯疾驅出關。至淇門。輕艦循流而下。令挽夫十五里。一更晝夜兼行。日三百里。既總閑牧。因擇良馬。納范陽。又奪張文儼馬。收反狀。明白。人告言者。帝必縛與之。明年國忠謀授祿山同中書門下平章事。召還朝。制未下。帝

按元宗使輔珍琳覘祿山舊書作天寶十二載事與新書異謹加案聲明

使中官輔珍琳賜大柑。因察非常。按舊書載使輔珍琳覘祿山事在十二載

謁華清宮一段之前與此前後互異謹識祿山厚賂之。還言無它。帝遂不召

然。祿山亦懼朝廷圖已。每使者至。稱疾不出。嚴衛然後見。黜陟使裴士淹行部至范陽。再旬始見。無復臣禮。士淹還不敢言。帝賜慶宗娶宗室女。手詔祿山觀禮。辭疾甚。獻馬三千匹。執控夫倍之。車三百乘。乘三士。因欲襲京師。河南尹達奚珣疑有變。極請毋納。帝始疑之。詔如珣策。冬十一月。詭言奉密詔討楊國忠。騰榜郡縣。以高尚嚴莊為謀主。孫孝哲高邈張通儒通晤為腹心。發所

部及同羅奚契丹室韋兵凡十五萬號二十萬反於范陽先三日合大將置酒觀繪圖起燕至洛山川險易攻守悉具人人賜金帛并授圖約曰違者斬祿山從牙門部曲百餘騎次城北祭先冢而行使賈循主留務呂知誨守平盧高秀巖守大同下令有沮軍者夷三族凡七日反書聞帝方在華清宮中外失色車駕還京師斬慶宗賜其妻康死榮義郡主亦死下詔切責祿山許自歸祿山答書慢甚遣高邈臧均以射生騎二十馳入太原劫取尹揚光翹殺之以張獻誠守定州祿山謀逆十餘

年凡降蕃夷皆接以恩不服者以兵脅之祿山通夷語躬自慰撫皆釋俘因為戰士故其下樂輸死所戰無前時兵暴起官發鎧仗皆穿朽鈍折禁衛多市井徒弗能抗敵吏皆棄城匿或自殺或開門迎降不則擒戮乃發左藏庫繒帛大募兵以封常清為范陽平盧節度使郭子儀為朔方節度關內支度副大使右羽林大將軍王承業為太原尹衛尉卿張介然為河南節度使

按唐書本

傳但作為汴州刺史未載其為節度使今據通鑑增金吾將軍程千里為潞州長史以榮王為元帥高仙芝副之馳驛討賊祿山以長繩

維舟集草木以結冰一昔合遂濟河陷靈昌郡至陳留
張介然死之郭納以城降遂陷滎陽次颯子谷將軍荔
非守瑜邀之殺數百人流矢及祿山輿乃不敢前更出
谷南守瑜矢盡投河死敗封常清取東都常清奔陝殺
留守李愬御史中丞盧奕河南尹達奚珣臣于賊時高
仙芝屯陝聞常清敗棄甲保潼關太守竇廷芝奔河東
常山太守顏杲卿殺賊將李欽湊擒高邈何千年於是
趙郡鉅鹿廣平清河河間景城六郡皆為國守祿山所
有纔盧龍密雲漁陽汲鄴陳留滎陽陝郡臨汝而已賊

之據東京見宮闕尊雄銳情僭號故兵久不西而諸道
兵得稍集尹子奇屯陳留欲東略會濟南太守李隨單
父尉賁賁濮陽人尚衡東平太守嗣吳王祗真源令張
巡相繼起兵旬日衆數萬子奇至襄邑而還明年正月
僭稱雄武皇帝國號燕建元聖武子慶緒王晉慶和王
鄭達奚珣為左相張通儒為右相嚴莊為御史大夫
署拜百官復攻常山援絕城陷杲卿被害安思義屯真
定會李光弼出土門救常山思義降博陵亦拔唯橐城
九門二縣為賊守史思明李立節蔡希德圍饒陽不克

引軍攻石邑張奉璋固守朔方節度使郭子儀自雲中引兵與光弼合敗思明於九門城南渾瑊射李立節殺之希德奔鉅鹿思明奔趙郡自鼓城襲博陵復據之光弼拔趙郡還圍博陵軍恒陽希德請濟師於賊賊以二萬騎涉滹沱入博陵牛廷玠發媯檀等兵萬人來助思明益彊與光弼戰敗于嘉山光弼收郡十三河南諸郡皆嚴兵守潼關不開祿山懼欲還范陽召責嚴莊高尚田乾真解之乃遣孫孝哲安神威西攻長安會高仙芝等死哥舒翰守潼關為崔乾祐所敗帳下執送於賊關門

不守帝遂幸蜀賊不謂天子能遽去駐兵潼關十日乃西時行在已至扶風於是汧隴以東皆沒於賊祿山以

張通儒守西京

按唐書本傳作以張通儒守東京舊書則作為西京留守據本傳下文慶緒以

張通儒安守忠屯長安則其田乾真為京兆尹使安守忠

守西京明矣今從舊書改正屯苑中祿山未至長安士人皆逃入山谷宮嬪散匿將

相家委寶貨不貲羣不逞爭取之累日不能盡又剽左

藏大盈庫百司帑藏竭乃火其餘祿山至怒乃大索三

日民間財貨盡掠之旬剽苛急百姓愈騷祿山怨慶宗

死乃取帝近屬自霍國長公主諸王妃妾子孫姻壻等

按原傳作張通儒守東京從舊書改正謹加案聲明

百餘人害之以祭慶宗。羣臣從天子者，誅滅其宗，肆為殘虐。人益不附。諸將欲有咨決，皆因嚴莊以見。御下少恩。雖腹心雅故，皆為仇敵。郡縣相與殺守將，迎官軍。前後反覆十數。城邑墟矣。肅宗治兵靈武，長安相傳太子西來，輒東走。闕里至空。都畿豪傑殺賊吏自歸者無虛日。賊斬刈懲之不能止。又賊將類慄勇無遠謀，日縱酒嗜聲色財利。車駕因得入蜀，無追躡之患。祿山既叛，常恚懼。至是目復盲。俄又病疽，益下躁。左右給侍無罪輒死。所信閹人李猪兒及嚴莊皆遭笞辱，故二人深怨祿

山。初慶緒善騎射，未冠為鴻臚卿，賊僭號嬖。及夫人愛其子慶恩，欲立之。慶緒懼不立。莊亦疑難作不利，已私語慶緒曰：君聞大義滅親乎？自古固有不得已而為者。慶緒曰：唯唯。又語猪兒曰：汝數得罪，不行大事，死無日。遂與定謀。至德二載正月朔，祿山朝羣臣，創甚罷。是夜莊慶緒持刀扈門，猪兒入帳下，以大刀斫其腹。祿山盲，捫佩刀不得。振幄柱呼曰：是家賊！俄而腸潰，遂死。包以羶罽埋牀下。因傳疾甚，矯稱偽詔傳位慶緒，偽尊祿山太上皇。慶緒既襲偽位，改元載初，即縱樂飲酒，委政於

莊而兄事之。以張通、儒、安、守、忠等屯長安。史思明領范陽兼恒陽軍。牛廷玠屯安陽。張志忠戍井陘。各募兵。於是廣平王俶率師東討。李嗣業將前軍。郭子儀將中軍。王思禮將後軍。回紇葉護以兵從。通、儒等裒兵十萬陣長安中。賊皆奚素畏回紇。既合。驚且囂。王分精兵與嗣業合擊之。守忠等大敗。引而東。通、儒棄妻子奔陝。王收西京。思禮清宮。僕固懷恩以回紇南蠻大食兵前驅。王悉師追賊。莊自將兵十萬與通、儒合。鉦鼓震百餘里。尹子奇已殺張巡。悉衆十萬來。并力營陝西。次曲沃。先是

回紇傍南山設伏。按軍北。掩以待。莊大戰新店。六遇。輒北。官軍逐之。入賊壘。賊張兩翼攻之。追兵敗沒。官軍大亂。嗣業肉袒奮擊。官軍復振。回紇自南山繚擊其背。賊驚。遂亂。官軍夾攻之。殺掠不勝算。賊大敗。追奔五十餘里。莊奔還。與慶緒守忠、通、儒等劫殘軍走鄴郡。王入洛陽。大陳兵天津橋。偽侍中陳希烈等三百人素服叩頭待罪。王勞曰。公等脅汙。非反也。天子有詔赦罪。皆復而官。衆大喜。於是陳留殺賊將尹子奇以降。嚴莊亦降。肅宗引見。釋其死。授司農卿。阿史那承慶以其衆三萬奔恒。

趙或趨范陽其從慶緒者瘐卒纔千餘會蔡希德自上黨田承嗣自潁川武令珣自南陽各以衆來又募兵河北衆至六萬賊復振以相州為成安府太守為尹改元天

和按通鑑作改元天成與此異謹識

以高尚平洌為宰相崔乾祐孫孝

哲牛廷玢為將以阿史那承慶為獻城郡王安守忠左威衛大將軍阿史那從禮左羽林大將軍然部黨益攜由是能元皓以偽淄青節度使高秀巖以河東節度使納款德州刺史王曠貝州刺史宇文寬皆背賊自歸河北諸軍各嬰城守賊使蔡希德安雄俊安太清等以兵

攻陷之戮于市慶緒懼人之貳已設壇加載書拌血與羣臣盟然承慶等十餘人送密款自裨校等數數為國間賊而慶緒治宮室觀榭塘沼汎樓船為水嬉長夜飲通儒等爭權凡有建白衆共沮之希德兵最銳素得士通儒以它事斬之麾下怨痛皆亡去慶緒以乾祐為天下兵馬使權震中外復悍少恩士不附乾元元年秋九月帝詔郭子儀率九節度兵凡二十萬討慶緒攻衛州遂渡河師背水壁而待慶緒拒戰子儀偽却慶緒逐之遇伏而潰慶緒走獲其弟慶和斬於京師子儀引軍躡

賊戰愁思崗。賊復敗。自是銳兵盡矣。因嬰鄴自固。使薛嵩以厚幣求救於史思明。思明遣李歸仁將兵萬三千壁滏陽。未進而官軍圍已固。築城濬隍三周。決安陽水灌城。城中棧而處。糧盡易口以食。米斗錢七萬餘。賊更以太清代乾祐將。於是思明有衆十三萬。三分其軍趨鄴。明年三月營安陽。慶緒急。乃遣太清奉皇帝璽綬讓思明。思明約慶緒為兄弟。慶緒大悅。官軍不利。九節度奔還。子儀斷河陽橋。戍穀水。思明進屯鄴南。慶緒收官軍餘饗尚十餘萬石。召孝哲等謀拒思明。諸將皆曰不

可。思明請慶緒歃血盟。不得已。以五

舊書作三與此小異謹識百騎

詣思明軍。思明先令軍中探甲以待。慶緒至。思明數之曰。為人子。殺父求位。非大逆邪。吾乃為太上皇討賊。願左右牽出。并其四弟。及高尚孫孝哲。崔乾祐。皆縊殺之。思明改葬祿山。以王禮。偽諡燕刺王。祿山父子僭位。凡三年而滅。

高尚者。雍奴人。母老丐食自給。尚客河朔。不肯歸。篤學善文辭。李齊物為新平太守。薦諸朝。賚錢三萬。介之見高力士。力士以為才。置門下。家事一咨之。諷近臣表其

能擢左領軍倉曹參軍力士語祿山表為平盧掌書記因出入卧内祿山喜睡尚嘗執筆侍通宵不寢繇是親愛遂與嚴莊語圖讖導祿山反陷東都偽拜中書侍郎大抵賊所下赦令皆尚為之嚴莊降後尚獨典政事至偽侍中

孫孝哲契丹部人母冶色祿山通之故孝哲得狎近長七尺伉健有謀祿山對側門俟召衣帶絕不知所為孝哲歲縷素具徐為紉綻祿山大悅天寶末官大將軍賊僭位偽拜殿中監閑廐使爵為王性殘忍果於殺戮賊

令監張通儒等守長安殺妃王宗室子百餘人窮誅揚國忠高力士黨與及與賊忤者不勝計剔首折肢流離道衢與嚴莊爭寵不平祿山死莊奪其使以與鄧季陽慶緒之奔莊懼為所圖因降

史思明寧夷州突厥種初名宰干玄宗賜其名姿癯露鳶肩偃背顴目側鼻寡鬚髮躁健譎狡與安祿山共鄉里生先祿山一日故長相善少事特進烏知義以輕騎覘賊多所擒馘通六蕃譯為互市郎負官錢亡走奚中為奚邏騎所困欲殺之給曰我唐使人也若殺使者禍

且及汝請以我見王。邏以為然，送至王所，不拜。曰：天子使見小國君，不拜禮也。王怒，然疑真使者，卒授館，待以禮。將還，令百人從入朝。奚有部將瑣高者，名聞國中，思明欲擒以贖罪。誅王曰：從我者雖多，無足與見天子。惟高材可與至中國。王悅，命高將帳下三百與俱。既至平盧，遣謂戍主曰：奚兵數百，聲言入朝，實欲為盜，請備之。主潛師迎，搗殺其衆，執高送幽州。節度使張守珪奇其功，表折衝與祿山俱為捉生。天寶初，累功至將軍。知平盧軍事，入奏。帝賜坐與語，奇之，遷大將軍。北平太守從

祿山討契丹，祿山敗，單騎走師州，殺其下左賢哥解魚承仙，自解。思明逃山中，再閱旬，裒散卒得七百，出見祿山。平盧祿山喜，握手曰：得汝，吾何憂？思明退，語親密曰：向蚤出，隨哥解地下矣。契丹取師州，祿山使思明擊走之。表平盧兵馬使，祿山反，使思明略定河北。會賈循死，留思明守范陽，而常山顏杲卿等傳檄拒賊。祿山遣思明攻常山。九日，執杲卿，進薄饒陽。盧全誠拒守河間，景城、平原、樂安、清河、博平、六郡稍募兵自固。河間李真以兵七千救饒陽。景城李暉持兵八千助河間。平原顏真

按九門原誤作土門今據安祿山傳改正謹加案聲明

卿以兵六千助清河悉為思明所敗暉子杞死之饒陽被圍久不下會李光弼收常山思明遽解圍迎戰晝夜行二百里相持不決郭子儀取趙郡合兵攻賊再戰皆大敗之賊走博陵光弼圍博陵城幾拔屬潼關潰肅宗召朔方河東兵光弼引還使王甫守常山賊尾追光弼於井陘敗歸攻平盧劉正臣輕之不設備敗保北平兵貲二千乘皆沒思明得其銳卒張甚謀攻常山甫欲降諸將殺之遣使至信都迎刺史烏承恩鎮守不聽思明攻九門按唐書本傳誤作土門今據通鑑及安祿山傳改正城中伏甲詭降賊登

城伏起賊殲思明中戟扶以免復攻陷之引兵東圍豪城守將白嘉祐走趙郡思明圍之五日城陷嘉祐奔太原思明再陷常山賊別帥尹子奇圍河間顏真卿遣和琳將兵萬餘往救於是北風勁烈鼓聲不相聞賊縱擊大敗執琳引衆攻城擒李奂又拔景城李暉赴河死招樂安降之遂攻平原未至真卿以力不敵棄郡去進破清河執太守王懷忠入博平遂圍信都初賊先獲承恩母妻及子故承恩降而兵尚五萬騎三千賊并力圍饒陽援絕城陷太守李系自燔死思明兵所嚮縱其下推

剽淫奪人妻女以是士最奮祿山偽署范陽節度使始
麾下騎纔二千同羅步曳落河止三千既數勝兵最彊
狃然有噬江漢心以精兵五萬畀尹子奇渡河劫北海
以震淮徐會回紇襲范陽子奇乃還救遂不克至德二
載與蔡希德高秀巖合兵十萬攻太原光弼固守數月
不能拔而安慶緒襲位賜姓安名榮國爵媯川郡王賊
之陷兩京禁府珍寶悉輸范陽如丘阜思明見富彊憫
然欲自取之已而慶緒敗走相州殘士三萬北歸無所
屬思明擊殺數千人降之慶緒知其貳使阿史那承慶

按原傳載李立節詣思明徵
兵今據安祿山傳刪正謹加
案聲明

安守忠詣思明徵兵按唐書作使阿史那承慶李立節
等詣思明攷通鑑及安祿山傳李
立節于九門之敗已被渾瑊射殺此時不應復有
其人據通鑑及舊書慶緒所遣亦無立節謹從刪因密
圖之判官耿仁智欲以大誼動賊因說之曰方祿山彊
誰敢不服大夫事之固無罪今天子聰明勇智有少康
宣王風公誠發使輸誠無不納此轉禍入福之秋也思
明日善承慶等未知以五千騎來思明悉眾介而逆之
前謂曰公等至士不勝喜然邊兵素憚使者威請弛弓
以入從之思明從承慶等飲即拘之收其甲仗郡兵給
賞遣之斬守忠以徇李光弼聞其絕慶緒使人招之思

明使其將竇子昂奉十三郡及兵八萬歸于朝於是高秀巖以河東自歸有詔思明為歸義郡王范陽長史河北節度使諸子並列卿以秀巖為雲中太守亦官其諸子時烏承恩已歸國遣與中人李思敬慰撫趣討殘賊思明乃遣張忠志守幽州假薛萼以恒州刺史招趙州刺史陸濟使降授其子朝義兵五千守冀州假令狐彰博州刺史成滑州然思明外順命內實通賊益募兵帝知之以其常事承恩父知義冀其無嫌即擢承恩為河北節度副大使使圖思明承恩至范陽羸服夜過諸將

陰諭以謀諸將反以告思明思明乃執承恩探衣囊得賜阿史那承慶鐵券及光弼牒又得薄紙書數番皆當誅將士姓名賊大詬曰我何負於爾而至是耶答曰此太尉光弼謀上不知也思明召官吏於廷西嚮哭曰臣赤心不負國何至殺臣因榜殺承恩父子及支黨二百餘人囚思敬以聞帝遣使諭曰事出承恩非朕與光弼意又聞三司議陳希烈等死思明懼諸將皆勸賊表天子誅光弼思明使耿仁智張不矜上疏請斬光弼不然且攻太原疏入于函仁智輒易去左右密白思明執二

人曰。若負我耶。命斬之。既又欲貸死。仁智怒曰。人固有死。大夫納邪說圖反。我雖生不如死。思明怒。捶殺之。九節度圍相州急。慶緒間道求救。思明懼官軍未敢進。俄而蕭華舉魏州歸天子。崔光遠代守。思明乃引兵擊魏。拔之。殺數萬人。乾元二年正月朔。築壇僭稱大聖周王。建元應天。以周贄為司馬。救相州。却官軍。殺慶緒并其眾。欲遂西略。虞根本未固。即留朝義守相州。自引還。夏四月。更國號大燕。建元順天。自稱應天皇帝。妻辛為皇后。以朝義為懷王。周贄為相。李歸仁為將。號范陽為燕。

京洛陽周京。長安秦京。更以州為郡。鑄順天得一錢。欲郊及藉田。聘儒生講制度。留子朝清守幽州。使阿史那玉向貢。張通儒高如震高久仁。王東武等輔之。兵四出。寇河南。身出濮陽。使令狐彰絕黎陽。朝義出白高。周萬志自胡良渡河圍汴州。於是節度使許叔冀濮州刺史。董秦梁浦田神功皆附賊。賊勢益振。乘勝鼓行。西陷洛陽。破汝鄭滑三州。圍李光弼河陽。不能拔。使安太清取懷州以守。光弼攻之。太清降。思明又遣田承嗣擊申光等州。王同芝擊陳許。敬釭擊兗鄆。薛崇擊曹。上元二年。

二月思明以計敗光弼兵於北邙官軍棄河陽懷州京師震恐益兵屯陝州思明遂西使朝義為先鋒身自宜陽繼進朝義攻陝敗于姜子坂按通鑑作疆子嶺與此異謹識退壁永寧思明大怒召責朝義及駱悅蔡文景許季常欲誅之又敕朝義築三角城居糧終日畢未填而思明至怒不如約據鞍畢填乃去顧曰朝下陝夕斬是賊朝義憂懼不知所為思明居傳舍令所愛曹將軍擊刁斗呵衛駱悅等被讓即共說朝義曰悅與王死無日不如召曹將軍同計大事朝義不應悅曰王誠不忍吾等且歸唐不

得事王矣朝義許之令季常以言動曹將軍曹將軍畏諸將不敢拒思明愛優譚寢食常在側優者以其忍恨之是夜思明如廁悅以兵入問所在共指廁思明知有亂踰垣出至殿下將乘馬走悅麾下周子俊射其臂墜問難所起曰懷王也思明曰旦日失言宜有此然殺我太早使我不得至長安大呼懷王者三日囚我可也無取殺父名左右反接縛之送柳泉傳舍悅還報朝義時周贄許叔冀以後軍屯福昌季常叔冀子也朝義令告之贄聞驚仆地賊領兵還贄等出迎悅惡其貳乃殺贄

次柳泉悅畏衆不厭縊殺思明以羶裹尸橐駝負還東京朝義乃即位建元顯聖陰令向貢阿史那玉圖朝清朝清與母辛俱死張通儒不知引兵戰城中數日亦死其黨自相攻殺數月范陽乃定朝義以李懷仙為幽州節度使朝義虛懷禮下事皆決大臣然無經略才當此時洛陽諸郡人相食城邑榛虛又諸將皆祿山舊臣與思明故輩行恥為朝義屈召兵輒不至欲還幽州會雍王以河東朔方回紇兵十餘萬僕固懷恩與回紇左殺為先鋒魚朝恩郭英乂殿入自黽池李抱玉薄河陽李

光弼徑陳留合兵討賊師次洛陽馳兵下懷州官軍部伍靜嚴賊有懼色朝義以師十萬距橫水官軍與戰大敗之俘馘六萬委牛馬器甲不可計朝義燒明堂東奔汴州偽節度張獻誠不納自濮北趣幽州朝義復敗至漳水無舟諸將勸降朝義不聽遂走莫州瑒追圍之閱四旬賊八戰八奔明年正月閱精兵欲決死田承嗣謂朝義不如身將驍銳還幽州令懷仙悉兵還戰臣請堅守朝義然納以騎五千夜犯圍出握承嗣手以家屬為託承嗣聽命朝義既去承嗣即以城降送朝義母及妻

按明土官武秩又有番部都指揮使司衛指揮使司等衙皆因其俗以羈縻之而已謹加案聲明

按思明之死舊書及通鑑所載與此互異謹加案聲明

孺詣瑒壘於是諸軍率輕兵追之朝義至范陽懷仙部將李抱忠閉壁不受東走廣陽復不受謀奔兩蕃懷仙招之自漁陽回止幽州縊死醫巫閭祠下按舊書作李懷仙生擒朝義送款來降梟首闕下通鑑作懷仙遣兵追及之朝義窮蹙縊于林中並與本傳互異懷仙斬其首傳長安召故將收其屍懷仙改服出次哭之偽恒州刺史張忠志趙州刺史盧倣定州刺史程元勝徐州刺史劉如伶相州節度使薛嵩及懷仙承嗣等皆舉其地以歸思明父子僭號凡四年而滅

卷六百二十八

續通志

逆臣傳

唐

李希烈

朱泚

源休 田希鑿

姚合言

李希烈燕州遼西人少籍平盧軍從李忠臣浮海戰河北有勞及忠臣在淮西因署偏裨試光祿卿軍中稱其才大歷十四年忠臣荒縱不事希烈因衆怒逐之詔以希烈為蔡州刺史淮西留後又詔滑亳節度使李勉兼領汴州德宗立加御史大夫即拜節度使名淮西軍曰

淮寧以寵之。梁崇義之反，敕諸道進討。詔進希烈南平郡王。漢南北招討處置使。又拜諸軍都統。平崇義功多。擁兵欲有其地。會山南節度使李承至。希烈乃大掠而去。以功檢校尚書右僕射、同中書門下平章事。李納叛。以檢校司空兼淄青節度使討之。希烈擁衆三萬。次許州。不進。遣李荓約納為唇齒。陰計取汴州。納遣游兵導希烈絕汴餉路。希烈遣使者約河北朱滔、田悅、王武俊等連和。凶焰熾然。俄而滔等自相王。遣使者來奉牋。希烈亦自號建興王。天下都元帥。五賊株連半天下。建中

四年正月。賊陷汝州。執李元平。兵四出抄掠。東都大震。帝聽盧杞計。詔太子太師顏真卿諭賊。已行。又遣左龍武大將軍哥舒曜討之。希烈見真卿傲桀不臣。敕左右訾侮朝政。即北侵汴州。南略鄂州。有詔江西節度使嗣曹王皋擊之。拔蘄黃兩州。擊賊將李良韓。霜露於白巖。二將走。希烈遣周曾、呂從贲、康琳拒曜。次襄城。與王玢、姚愔、韋清合謀襲希烈。不克。皆死。清奔劉洽。希烈懼。還蔡州。上疏歸罪。曾等。帝不赦。遣神策將劉德信將節度觀察團練子弟兵屯陽翟。并力。以李勉為淮西招討使。

曜副之。荆南節度使張伯儀為淮西應援，招討使山南節度使賈耽與臯副之。德信去陽翟，壁汝。賊取陽翟，覆伯儀軍。曜戰不利，屯襄城。希烈舉衆三萬圍曜城。陷。曜奔東都。賊進陷汴州。勉奔宋州。希烈已據汴，僭即皇帝位。國號楚。建元武成。以張鸞子李綬、李元平為宰相。鄭賁為侍中。孫廣為中書令。披其地建四節度。以汴州為大梁府。因窺江淮，盛兵攻襄邑。守將高翼死之。於是汴滑副都統劉洽率曲環、李克信軍十餘萬戰白塔，不利。洽引還，夜入宋州。賊驟勝，徑薄寧陵。舟乘銜踵進，亘七

十里。時洽將高彥昭、劉昌共嬰壘以守。彥昭擊家牛犒軍士，死戰，斬首三千級。請援於洽。洽選兵八百，夜艾而入。賊不知，詰旦傳城。士奮出，希烈大敗，斬首萬計。追北至襄邑，收賊資糧而還。希烈既沮，却還汴州。遣崇暉以精兵襲陳，復為洽敗。俘衆三萬，執翟崇暉。進拔汴州。禽鄭賁、劉敬宗、張伯元、呂子巖、李達千。希烈遁歸。蔡賊戍將孫液挈鄭州降。帝即拜液為刺史。貞元二年，遣杜文朝寇襄州，為樊澤所破，獲文朝。會李臯、張建、封曲環及李澄四略其地，勢日蹙。希烈縮氣不敢搖，啖牛肉而病。

親將陳仙奇陰令醫毒之以死始希烈入汴聞戶曹參軍竇良女美彊取之女顧其父曰慎無戚我能滅賊後有寵嘗稱仙奇忠勇可用而妻亦竇姓願如娼媚者以固其夫希烈許諾乘間往謂仙奇妻曰賊雖彊終必敗奈何竇久而寤及希烈死子不發喪欲悉誅諸將乃自立未決有獻含桃者竇請分遺仙奇妻聽之因蠟帛丸雜果中出所謀仙奇大驚與薛育率兵譟而入斬希烈子函希烈并妻子七首以獻尸希烈於市帝以仙奇忠即拜淮西節度使百姓給復二年俄為吳少誠所殺詔

贈太子太保竇亦死

朱泚幽州昌平人父懷珪事安史二賊偽署柳城使

案

書懷珪為柳城使乃李懷仙歸泚壯偉腰腹十圍外寬順後所奏非安史時事謹識

按舊書泚父懷珪為柳城使非安史時事與新書異謹加案聲明

和中實狠刻少以父蔭籍軍中與弟滔並為李懷仙部將凡戰所得必分麾下以結士心故得濟其兇謀朱希彩既殺李懷仙自為節度使頗委信之大厯七年希彩為下所殺衆未有屬泚方屯城北而滔主牙兵尤狡譎乃潛使數十人大呼軍門曰帥非朱公莫可衆愕眙因共詣泚推知留後遣使至京師聽命有詔檢校左散騎

常侍。即拜盧龍節度留後。俄遷節度使。封懷寧郡王。實封戶二百。泚上書謝。遣滔將兵赴京西防秋。代宗悅。手詔褒美。居三年。求入朝。自幽州首亂。懷仙以來。雖外臣順然不朝謁。而泚倡諸鎮。以騎三千入覲。詔起甲第待之。既至。見內殿。賜乘輿馬二。戰馬十。金綵甚厚。士校皆有賜。宴賚隆渥。泚之來。滔攝後務。稍稍翦落泚牙角。泚自知失權。乃請留京師。帝因授滔節度留後。乃令泚與郭子儀。李抱玉。馬璘分統防秋兵。而泚主汴宋淄青。進同中書門下平章事。出屯奉天。遷檢校司空。代李抱玉。

為隴右節度副大使。仍知河西澤潞行營兵馬事。明年徙王遂寧。德宗立。改鎮鳳翔。進封三百戶。建中初。以李懷光代段秀實兼節度涇原。徙屯原州。懷光前督作泚。與崔寧領兵繼進。涇士素聞懷光暴。皆懼。劉文喜因劫衆以亂。請留秀實。又求屬泚。詔泚代懷光。文喜合兵二萬乘城。詔泚懷光攻之。文喜閉壁。求救於吐蕃。吐蕃方睦於唐。不為發兵。

案通鑑注。是時吐蕃無入援文喜事。考証甚明。唐書本傳作吐蕃與師。今

據通鑑

改正文喜將劉海賓與其徒殺文喜。入泚軍。泚一無

所戮。由是涇人德之。詔加中書令。還屯。進拜太尉。滔合

田悅叛陰遣人與泚相聞河東馬燧獲其書帝召泚示之泚惶懼請死帝勉曰千里不同謀卿何謝更以張鎰節度鳳翔留泚京師加實封千戶不朝請以中人監其第李希烈圍哥舒曜於襄城詔涇原節度使姚令言督鎮兵五千救之師次漘水京兆尹王翺使吏供軍糲飯菜肴衆怒盡擐甲張旗鼓譟趨京城時令言入辭尚在禁中聞變馳至長樂坂遇亂兵劫以西行帝再遣使開諭賊已薄丹鳳門詔集六軍無至者乘輿倉卒出幸奉天令言與亂兵謀曰今衆無屬不能持久朱太尉方囚

錮若迎之事可濟乃遣百餘騎見泚泚偽讓不答留使者飲以觀衆心夜數百騎復往泚知不偽乃擁徒向闕下列炬傳呼入宮居含元殿自稱權知六軍明日徙居白華殿或說泚迎天子泚顧望愕然光祿卿源休至請間教以不臣詭稱符命泚悅張光晟李忠臣皆新失職怨望亦勸成之鳳翔大將張廷芝涇原將段誠諫引潰兵三千自襄城來泚自謂得人助逆志遂決因署休京兆尹判度支忠臣皇城使又以段秀實失軍疑有怨起之委以謀秀實與劉海賓憤發秀實以笏擊賊破面忠

按本傳逼樊系為冊文舊書作
偽署樊系禮部侍郎互異謹加
案聲明

臣護泚得脫走秀實遂遇害泚僭即皇帝位於宣政殿
號大秦建元應天侍衛皆卒伍諸臣在位者纔十餘逼
太常卿樊系為冊文案舊書作偽署樊系為禮部侍郎與此互異謹識冊成仰
藥死拜令言侍中關內副元帥忠臣司空兼侍中休中
書侍郎蔣鎮門下侍郎並同中書門下平章事以蔣鍊
為御史中丞敬缸御史大夫許季常京兆尹洪經綸太
常少卿彭偃中書舍人裴揆崔幼真給事中廷芝光晟
誠諫崔宣張寶何望之杜如江等並偽署節度使以兄
子遂為太子以滔為冀王太尉尚書令號皇太弟帝使

高重傑屯梁山禦賊賊將李日月殺之日月銳甚自謂
無前乃燒陵廟鹵御物帝患之渾瑊伏兵漠谷引數千
騎跳攻長安瑊引卻日月尾追遇伏射日月殺之泚自
將逼奉天以令言為上將光晟副之忠臣留守以蔣鍊
李于平為宰相於是瑊率韓游瓌禦泚泚大敗死者萬
計退三里而舍修攻具毀廬室為樓車百尺下覘城中
會杜希全以兵敗漠谷賊益張急攻城驅民填塹造雲
梁令壯士居上將傅堞守者震駭渾瑊乃使侯仲莊韓
澄穴地道梁陷縱火焚之衆亂而囂城中兵出皇太子

督戰賊大敗。然賊負其衆，圍城益急。凡三旬有六日，而李懷光以兵五萬至，敗賊于魯店，遂戰城下。自辰至昏，賊潰。是夜泚引去。興元元年，泚以本封遂寧漢地也，更號漢。改元天皇。奉天所下赦令，凡受賊偽官者，破賊日悉貸不問。官軍密榜諸道，泚方宿未央。涇原士謀殺泚，泚知之，輒徙它處。衆謀亦止。官軍壞龍首香積二塢，以決其流。城中水絕，泚役數百人治之。東出灞水，與官軍戰。大奔，還闔都門。士皆甲以待，久乃罷。李于平請修攻具，襲懷光，取苑中六街大木為衝車。人不堪苦，又禁居。

人夜行。三人以上不得聚飲食。上下惴恐。賊所用唯盧龍神策團練兵，而涇原軍驕不可制。但完守所獲，不出戰。故泚數北憂甚，欲出走。會李懷光貳于帝，不欲泚平。按軍觀望。帝欲幸咸陽，趣諸將捕賊。懷光出醜言，乃詔戴休顏守奉天，尚可孤守灞上，駱元光守渭橋，進狩梁州。懷光遂與泚連和。京師知帝益西，二叛膠固，謂亂且成。出受賊官者十八。始泚多出金，兄事懷光，約平關中，割地為鄰國。故懷光決反。因并陽惠元、李建徽軍。泚既知懷光反，即賜詔待以臣禮。督其兵入衛。懷光慙見欺。

引軍東保河中。泚誘涇原將田希鑿。希鑿殺馮河清降賊。泚即使代河清為節度。李晟等兵寢彊。士益附。而渾瑊又擊破賊將韓旻。宋歸朝於武亭川。斬計萬級。晟率渾瑊駱元光。尚可孤悉師攻賊。晟薄光泰門。敗賊將張廷芝。李希倩。賊棄門。哭保白華。晟引軍還。居三日復戰。大敗之。乃分道入。泚將段誠伏莽中。為王伉所禽。姚令言。張廷芝與晟遇。十鬪皆北。遂至白華。始張光晟以精兵壁九曲。距東渭橋十里。密約降於晟。晟之入。光晟勸泚等出奔。故泚挾令言。廷芝。休子平。朱遂引殘軍西走。

光晟衛出之。因請晟降。泚奔涇州。田希鑿拒之。泚更舍逆旅。遣梁廷芬入見希鑿。曰。公殺一節度。唐天子必不容。何不納朱公成大事。希鑿陰可。廷芬出報泚。泚悅。廷芬請宰相不得。乃不復入。泚猶餘范陽卒三千。北走驛馬關。寧州刺史夏侯英開門陣而待。泚不敢入。因保彭原西城。廷芬與泚腹心朱惟孝夜射泚墜窖中。韓旻薛綸高幽岳武震朱進卿董希芝共斬泚。使宋膺傳首以獻。涇卒殺令言。降希鑿。源休。李子平。走鳳翔。李楚琳斬之。傳首行在。泚壻金吾將軍馬悅走党項。得入幽州。李希

倩等皆以次夷滅。源休相州人。初為京兆尹。使回紇還次太原。盧杞畏其辯。能結主恩。奏為光祿卿。休怨望。故導泚僭號。為調兵食。署拜百官。事皆咨之。時論其逆甚於泚。脅辱大臣。多殺宗室子孫。幾于盡。每官軍不利。喜見眉宇。與姚令言勸泚圍奉天。晝夜為賊謀。二人爭自比蕭曹。休即收圖籍貯府庫。以效何令言者。河中人始應募。隸涇原節度使馬璘府。孟皞為留後。表其謹肅。任將帥。皞歸朝。令言遂為節度使。既挾泚亂。頗盡力。彭偃銳于進。自謂為宰相所抑。鬱鬱不懌。泚亂。匿田家。既得

用。辭令一出其手。故辭尤諄慢。李晟愛張光晟才。表丐原死。置軍中。駱元光怒曰。吾不能與反虜同坐。拂衣去。晟乃殺之。晟惡田希鑿之逆。欲因事誅之。會吐蕃寇涇州。晟行邊。希鑿來謁。晟置酒。召諸將。希鑿等詣營。晟責以殺節度使受賊節罪。縊之幕中。以李觀代為節度使。

續通志

逆臣傳

唐三

黃巢

王仙芝

秦宗權

董昌

黃巢。曹州冤句人。少與王仙芝以販私鹽為事。據通鑑

善擊劍騎射。稍通書。辯給。喜養亡命。咸通末。歲荐饑。盜

興河南。乾符二年。仙芝聚眾三千。殘曹濮二州。眾至數

萬。勢遂張。妄號大將軍。其黨尚君長。柴存。畢師鐸。曹師

雄。柳彥璋。劉漢宏。李重霸等十餘輩。所在肆掠。而巢屢

錄定
○逆臣傳
○唐三

入。敘定傳通志

舉進士不第。遂為盜。聚眾數千人。以應仙芝。轉寇河南十五州。帝使平盧節度使宋威為諸道行營招討使。詔河南諸鎮皆受節度。以左散騎常侍曾元裕副焉。威擊仙芝於沂州城下。破之。仙芝亡去。威因奏大渠死。擅縱麾下兵還青州。羣臣皆入賀。居三日。州縣奏賊故在。時兵始休。有詔復遣士皆忿思亂。賊聞之。趨邾城。不十日。破八縣。帝憂迫近東都。督諸道兵檢過。於是鳳翔邠寧涇原兵守陝州潼關。元裕守東都。義成昭義以兵衛宮。仙芝去攻汝州。殺其將刺史。走東都大震。百官脫身出。

奔賊破陽武。圍鄭州。不克。螳聚鄧汝間。關以東州縣大抵皆畏賊。嬰城守。故賊放兵四略。殘郢復二州。所過焚剽。生人幾盡。官軍急追。則遺貨布路。士爭取之。率逗撓不前。賊轉入申光。殘隋州。執刺史。據安州。分奇兵圍舒。擊廬壽光等州。時威老且闇。陰與元裕謀。養賊以自固。帝知之。更以陳許節度使崔安潛為行營都統。以前鴻臚卿李瑒代威。右威衛上將軍張自勉代元裕。賊出入蘄黃。蘄州刺史裴渥為賊求官。約罷兵。仙芝與巢等詣渥飲。未幾。詔拜仙芝左神策軍押衙。遣中人慰撫。仙芝

喜巢恨賞不及已。大怒曰：君獨得官，五千衆且安歸？因擊仙芝傷首。仙芝憚衆怒，即不受命。渥中人亡去，賊分其衆。尚君長入陳蔡，巢北掠齊魯，入鄆州，殺節度使薛崇進，陷沂州，遂至數萬。繇潁蔡保渣岬山，引兵復與仙芝合圍宋州。會自勉救兵至，斬賊二千級。仙芝解而南。度漢攻荆南，於是節度使楊知溫嬰城守，賊縱火焚樓堞，知溫不出。有詔以高駢代之，駢以蜀兵至而城已陷。巢攻和州未克，仙芝自圍洪州，取之，進破朗岳，遂圍潭州。觀察使崔瑾拒却之，乃向浙西，擾宣潤，不能得所欲。

身留江西，趨別部，還入河南。帝詔崔安潛歸忠武，復起宋威。曾元裕為招討使，而楊復光監軍。復光遣其屬吳彥宏以詔諭賊。仙芝乃遣蔡溫球、楚彥威、尚君長來降。欲詣闕請罪，又遣威書求節度使，陽許之。上言與君長戰禽之。復光固言其降，命侍御史與中人馳驛即訊，不能明。卒斬君長等於狗脊嶺。仙芝怒，還攻洪州，入其郭。威自將往救。按舊書作宋威為賊所敗，朝廷以王鐸代。曾元裕斬仙芝，並與新書本傳互異。謹附誌。敗仙芝於黃梅，斬賊五萬級，獲仙芝傳首京師。當此時，巢方圍亳州未下，君長弟讓率

按宋威救洪州斬李仙芝事
新舊書及通鑑所載互異謹
加案聲明

仙芝潰黨歸巢。推巢為王。號衝天大將軍。署拜官屬。驅河南山南之民十餘萬掠淮南。建元王霸。曾元裕敗賊於申州。死者萬人。帝以威殺尚君長非是。且討賊無功。詔還青州。以元裕為招討使。張自勉為副。巢破考城。取濮州。元裕軍荆襄。援兵阻。更拜自勉東北面行營招討使。督諸軍急捕。巢方掠襄邑雍丘。詔滑州節度使李嶧壁原武。巢寇葉陽。翟欲窺東都。會左神武大將軍劉景仁以兵五千援東都。河陽節度使鄭延休兵三千壁河陰。巢兵在江西者為鎮海節度使高駢所破。寇新鄭。郊

襄城陽翟者為崔安潛逐。走在浙西者為節度使裴瓌斬逐。巢大沮畏。乃詣天平軍乞降。詔授巢右衛將軍。巢度藩鎮不一。未足制已。即叛去。轉寇浙東。執觀察使崔璆。於是高駢遣將張濬梁纘攻賊。破之。賊收衆踰江西。破虔吉饒信等州。因刊山開道七百里。直趨建州。福州觀察使韋岫戰不勝。棄城遁。賊入之。閩地諸州皆沒。有詔高駢為諸道行營都統以拒賊。巢陷桂管。進寇廣州。詔節度使李迢書求表為天平節度。又脅崔璆言於朝。宰相鄭畋欲許之。盧攜由令攷執不可。巢又丐安南都

按黃巢殺李迢原傳敘于破江陵之後今依通鑑改謹加案聲明

護廣州節度使書聞右僕射于琮議南海市舶利不貲

賊得益富而國用屈乃拜巢率府率巢見詔大詬急攻

廣州執李迢殺之按通鑑黃巢之殺李迢在破江陵之前唐書本傳誤載于後今改正自

號義軍都統露表告將入關僖宗既罷宋威而宰相王

鐸請自行乃拜鐸荆南節度使南面行營招討都統率

諸道兵進討鐸屯江陵表泰寧節度使李係為招討副

使兼湖南觀察使以先鋒屯潭州兩屯烽駟相望會賊

中大疫衆死什四遂引北還自桂編大桴沿湘下衡永

破潭州李係走朗州兵十餘萬殲焉進逼江陵號五十

萬鐸兵寡棄城走襄陽留劉漢宏守江陵鐸去漢宏乘

亂縱掠按通鑑王鐸已去而漢宏始大掠江會雨雪人

多死溝壑賊欲進躡鐸會江西招討使曹全晟與山南

東道節度使劉巨容壁荆門使沙陀以五百騎逆戰佯

不勝而走賊以為怯急追之伏發大敗執賊渠十二輩

巢懼度江東走師促之俘什七八或勸巨容窮追答曰

國家多負人危難不吝賞事平則得罪不如留賊冀後

福止不追故巢得復整陷鄂州全晟將度江會有詔以

段彥謩代其使乃止巢畏襲轉掠江西再入饒信杭州

按劉漢宏縱掠本傳所載與通鑑先後異時謹加案聲明

按黃巢殺張潁新舊書及通鑑所載時事互異謹加案聲明

衆至二十萬。攻臨安。戍將董昌兵寡，不敢戰。伏數十騎莽中，賊至，伏弩射殺賊將。賊還，殘宣歙等十五州。廣明元年，淮南高駢遣將張潁度江，敗王重霸，降之。巢數卻，乃保饒州。衆多疫，別部常宏以衆數萬降。潁急擊之，巢以金啗潁，且致書請降於駢。駢恐諸將分功，乃奏賊不日當平，請遣諸道兵。巢訶知，遂請戰。按唐書本傳作諸軍屢奏破賊，朝廷信之。巢得計，破殺張潁於實事未晰。謹据通鑑改正。又舊書載巢殺潁在據交廣時，與此互異。謹附識。破殺張潁，陷睦婺二州。又取宣州，而漢宏殘衆復奮。寇宋州，掠申光，來與巢合。濟采石，侵揚州。高駢按兵不出，詔

兗海節度使齊克讓屯汝州，拜全晟天平節度使，兼東面副都統。賊方守滁和，全晟以天平兵敗於淮上。巢悉衆度淮，妄稱率土大將軍，整衆不剽掠，所過惟取丁壯益兵。李罕之犯申光，潁宋徐兗等州吏皆亡。巢自將攻汝州，欲薄東都。宰相共建言，悉神策并關內諸節度兵十五萬守潼關。田令孜請自將而東，於是擢左軍騎將張承範為先鋒，右軍步將王師會督糧道，以飛龍使楊復恭副令孜募兵京師，纔得數千人。而巢已陷東都，留守劉允章以百官迎降。賊復取陝虢，進攻潼關。齊克讓

以其軍戰關外。賊少卻。俄而巢至。師大噓。川谷皆震。士
饑甚。燒營而潰。克讓走入關。承範出金諭軍中曰。諸君
勉報國。救且至。士感泣拒戰。賊見師不繼。急攻關。官軍
矢盡。飛石以射。始關左有大谷。尚讓引衆趨谷。承範惶
遽。使師會以勁弩八百邀之。比至而賊已入。明日夾攻
關。官軍潰。師會欲自殺。承範止之。乃羸服逃。見帝具言
不守狀。帝黜宰相盧攜。方朝而傳言賊至。百官奔。令孜
以神策兵五百奉帝趨咸陽。惟福穆潭壽四王。按通鑑
作福穆
澤壽四五與妃御一二從。中人西門匡範統右軍以殿。

巢以尚讓為平唐大將軍。蓋洪費金古副之。金吾大將
軍張直方與羣臣迎賊灞上。巢乘黃金輿。衛者皆繡袍
華幘。其黨乘銅輿以從。騎士凡數十萬。先後之。陷京師。
入自春明門。升太極殿。宮女數千迎拜稱黃王。巢舍田
令孜第。賊見窮民。抵金帛與之。甫數日。因大掠。縛箠居
人。賊酋閱甲第以處。亂人妻女。捕得官吏悉斬之。火廬
舍不可計。殺宗室侯王無遺類。巢齋太清宮。卜日舍舍
元殿。僭即位。號大齊。繪戈綈為袞衣。擊戰鼓以代金石
之樂。列長劔大刀為衛。大赦。建元為金統。唐官三品以

上停四品以下還之。因自陳符命，取廣明字，判其文曰：唐去丑口而著黃明。黃當代唐，又黃為土，金所生，蓋天啟云。其徒上巢號承天，廣運啟聖，睿文宣武皇帝。以妻曹為皇后，以尚讓、趙璋、崔璆、楊希古為宰相。鄭漢璋、御史中丞、李儔、黃諤、尚儒為尚書。方特諫議大夫，皮日休、沈雲翔、裴渥、翰林學士。孟楷、蓋洪、尚書左右僕射兼軍容使、費傳古、樞密使、張直方、檢校左僕射、馬祥、右散騎常侍、王璠、京兆尹、許建、米實、劉瑋、朱溫、張全。按米實舊書作朱實言並互異，謹識。彭攢、季逵等為諸將軍游奕使，其餘以

次封拜，取趨偉五百人號功臣，下令軍中禁妄殺人。悉輸兵於官，然其下本盜賊，皆不從。召唐時舊官無至者，乃大索里閭。豆盧瑑、崔沆等匿永寧里，張直方家。直方者素豪傑，故士多依之。或告直方納亡命者，巢攻之，夷其家。瑑、沆及大臣劉鄴、裴諗、趙濛、李溥、李湯死者百餘人。將作監鄭綦、郎官鄭係舉族縊。是時乘輿次興元，詔促諸道兵收京師，遂至成都。巢使朱溫攻鄧州，陷之，以擾荆襄。遣林言、尚讓、寇鳳翔為鄭畋將，宋文通所破，不得前。畋乃傳檄召天下兵，於是詔涇原節度使程宗楚

為諸軍行營副都統。前朔方節度使唐弘夫為行營司馬。數攻賊。斬萬級。邠將朱玫。陽為賊將。王玫裒兵。俄而殺王玫。引兵入於官軍。弘夫進屯渭北。河中王重榮營沙苑。易定王處存。次渭橋。廊延李孝昌。夏州拓拔思恭。壁武功。弘夫拔咸陽。破尚讓軍。乘勝入京師。巢竊出至石井。宗楚入自延秋門。處存遣銳卒五千。以白鬚自誌。夜入殺賊。都人傳言巢已走。邠涇軍爭入京師。諸軍亦解甲休。競掠貨財。子女巢伏野。使覘城中弛備。則遣孟楷率賊數百。掩邠涇軍。都人猶謂官軍。謹迎之。軍士重

按程宗楚等入長安殺賊原傳作中和二年二月事。今據通鑑改謹加案聲明。

負不能走。是以甚敗。賊執弘夫害之。處存走。始王璠破奉天。引衆數千隨弘夫。及諸將敗。獨一軍戰尤力。巢復入京師。怒民迎官軍。縱擊殺八萬人。血流於路。可涉也。謂之洗城。諸軍退保武功。於是中和元年四月也。按通鑑中和元年。改元在七月。而程宗楚等入長安殺賊。並在其是年四月。唐書本傳。訛為中和二年二月。今據改正。其五月。昭義高潯攻華州。王重榮與并力。克之。朱玫以涇岐麟夏兵八萬營興平。巢亦遣王播營黑水。玫戰未能勝。鄭畋將竇玫。夜率士燔都門。殺邏卒。賊震懼。於時畿民柵山谷自保。不得耕。米斗錢三十千。屑樹皮以食。士

人或賣餅自業。舉奔河中。李孝昌。拓拔思恭。徙壁東渭橋。賊帥朱溫。尚讓。涉渭。敗孝昌等軍。高潁擊賊。李詳不勝。賊復取華州。巢即授詳華州刺史。以溫為同州刺史。賊又襲孝昌。二軍引去。賊破陳敬瑄兵。走南山。齊克儉營興平。為賊所圍。決河灌之。不克。二年。僖宗更以王鐸為諸道行營都統。崔安潛副之。周岌。王重榮為左右司馬。諸葛爽。康實為左右先鋒。平師儒為後軍。時溥督漕賦。王處存。李孝章。拓拔思恭為京畿都統。處存直左。孝章在北。思恭直右。西門思恭為都監。楊復光監行營中。

書舍人盧胤征為克復制置副使。於是鐸以山南。劔南。軍營。靈感祠。朱玫以岐。夏。軍營。興平。重榮處存營渭北。復光以壽。滄。荆。南。軍合。岌營武功。孝章合拓拔思恭營渭橋。程宗楚營京右。朱溫以兵三千掠丹。延。南。鄙。趨同州。刺史米逢。按通鑑作米誠與此異出奔。溫據州以守。六月。尚讓寇河中。使朱溫攻四關。敗諸葛爽。破重榮數千騎於河上。夾閉關不出。讓遂拔郟陽。七月。攻宜君寨。大雨雪盈尺。賊死什二三。賊攻鳳翔。敗節度李昌言於潞水。又遣彊武攻武功。槐里。涇。邠。兵卻。獨鳳翔兵固壁。拓拔思恭。

以銳士萬八千赴難。逗留不進。河中糧艘三十道。夏陽朱溫使兵奪艘。重榮以甲士三萬救之。溫懼。鑿沈其舟。兵遂圍溫。溫數困。又度巢勢蹙且敗。而孟楷方專寵。溫乞師。楷沮不報。即斬賊大將馬恭。降重榮。帝進拓拔思恭為京四面都統。敕朱玫軍馬嵬。溫既降。重榮遇之厚。故李詳亦獻款。賊覺。斬之。更以黃思鄴為刺史。華卒逐黃思鄴。推王遇為主。遇降於重榮。明年正月。王鐸使鴈門節度使李克用破賊于渭南。承制拜東北行營都統。會鐸與安潛皆罷。克用獨引軍自嵐石出夏陽。屯沙苑。

破黃揆軍。遂營乾阨。二月。合河中。易定。忠武等兵擊巢。

巢命王播。林言軍居左。趙璋尚讓軍居右。眾凡十萬。與官軍大戰梁田陂。賊敗。執俘數萬。僵尸三十里。斂為京觀。播與黃揆襲華州。據之。遇亡去。克用掘塹環州。分騎屯

渭北。命薛志勤。康若立。

按舊書作君立
與此互異謹識

夜襲京師。火詹

聚。俘賊而還。巢戰數不利。軍食竭。下不用命。陰有遁謀。即發兵三萬。搤藍田道。使尚讓援華州。克用重榮迎戰。零口破之。遂拔其城。揆引眾走。四月。克用遣步將楊守宗。率河中將白志遷。忠武將龐從等先進。擊賊渭橋。三

戰皆捷。於是諸節度兵繼至。賊衆大奔。克用入自光泰門。身決戰。呼聲動天。賊潰。逐北至望春。入昇陽殿。巢夜走。衆猶十五萬。出藍田入商山。委輜重珍貨於道。諸軍爭取之。不復追。故賊得整軍去。楊復光獻捷行在。帝詔陳許延州鳳翔博野軍合東西神策二萬人屯京師。命大明宮留守王徽衛諸門。撫定居人。詔尚書右僕射裴璩脩復宮省。購輦輅仗衛。舊章祕籍。豫敗巢者。神策將橫衝軍使楊守亮。躡雲都將高周彝。忠順都將胡真。天德將顧彥朗七十人。巢已東。使孟楷攻蔡州。節度使秦

宗權迎戰大敗。即臣賊與連和。楷移兵擊陳州。刺史趙犍擊斬之。巢自圍陳。縱兵略鄧許孟洛。東入徐兗。數十州。時大饑。賊停人以食。朱全忠為宣武節度使。與周岌時溥帥師救陳。趙犍亦乞兵太原。巢遣宗權攻許州。未克。於是糧竭。木皮草根皆盡。四年二月。李克用率山西兵由陝濟河而東。會關東諸鎮壁汝州。全忠擊賊。瓦子寨斬萬餘級。諸軍破尚讓於太康。亦萬級。獲械鎧馬羊萬計。又敗黃思鄴於西華。思鄴夜遁。巢大恐。退營故陽里。五月。大雨震電。川谿皆暴溢。賊壘盡壞。衆潰。始解圍。

按李周楊景彪楊能霍存諸
人名新舊書互異並加案聲
明

而去。全忠進戍尉氏。克用追巢。全忠還汴州。巢取尉氏。
攻中牟。兵半度。克用擊之。賊多溺死。巢引殘眾走封丘。

克用追敗之。還營鄭州。巢度河攻汴。全忠拒守。克用救
之。斬賊驍將李周楊景彪等。舊書作李用楊景巢夜走

胙城入寃句。克用悉軍窮躡。賊將李讜楊能霍存舊書
作楊

霍與此互異謹識葛從周張歸霸張歸厚往降全忠。而尚讓以

萬人歸時溥。巢愈猜忿。屢殺大將。引眾奔兗州。克用追
至曹。獲男女牛馬萬餘。及乘輿器服。禽巢愛子。克用軍
晝夜馳糧。盡乃還。巢眾僅千人。走保泰山。六月。時溥遣

將陳景瑜與尚讓追戰狼虎谷。巢計蹙。謂其甥林言曰。
取吾首獻天子。可得富貴。毋為他人利。言不忍。巢乃自
刎。不殊。言因斬之。及兄存。弟鄴。揆。欽。秉。萬。通。思。厚。并殺
其妻子。悉函首將詣溥。而太原博野君殺言。與巢首俱
上。溥獻於行在。詔以首獻於廟。巢從子浩。眾七千。為盜
江湖間。自號浪蕩軍。天復初。欲據湖南。陷瀏陽。殺略甚
眾。湘陰彊家鄧進思。率壯士伏山中擊殺之。

秦宗權。蔡州上蔡人。按舊書作許州為許牙將。巢涉淮。

節度使薛能遣宗權調兵淮西。而許軍亂。殺能。宗權外

按秦宗權舊書作許州人與
新書異謹加案聲明

示赴難。因逐蔡州刺史，據其城。周岌代能領節度，即授以蔡州，有兵萬人。乃遣將從諸軍，敗賊於汝州。楊復光言之朝，擢防禦使，寵其軍曰奉國。即為本軍節度使，進檢校司空。巢走出關，宗權逆戰不利，遂與連和，圍陳州。擾敎梁宋間，巢死。宗權復熾，分兵四掠，遣弟宗言寇荆南。秦誥出山南，陷襄州，進破東都，圍陝州，使秦彥按通鑑作陳彥與此寇淮肥。秦賢略江南，宗衡亂岳鄂，所至屠滅。自關中薄青齊，南繚荆郢，北亘衛滑，千里無舍煙。惟趙準保陳，朱全忠保汴，僅自完而已。然宗權無霸王計，惟

亂是恃。兵出未始轉糧，車載鹽尸以從。僖宗假朱全忠都統節，以討賊。秦賢略宋及曹，全忠好書約和。賢遣張調請分地，自汴以南歸之。蔡全忠陰許，而賢引兵濟汴，肆燔劫。全忠大怒，斬調，進與賊戰，殺獲甚衆。宗權急攻許，節度使鹿晏弘乞師於全忠。師未及出，已破晏弘。進取鄭州，擊河橋，遂守河陽。放兵侵汴西鄙，北鄙全忠壁酸棗，戰不克。宗權屯邊村，使秦賢營雙丘，侵板橋。盧瑋引兵進屯萬勝，夾汴而柵。全忠擊殺瑋。宗權悉軍十五萬，列三十六屯逼汴。全忠懼，求救於兗郟，而朱瑾、朱宣

按郭璠殺申叢事新書俱不載今依通鑑增輯謹加案聲明

皆身自將。同拒賊。全忠閉城大會。鼓聞于郊。陰啟北門。擊賊壘。士譁趨中營。交郟整兵合擊。大敗之。宗權忿。過鄭焚郭舍。驅民入淮西。全忠遂有鄭許河陽東都。於是合諸鎮兵會上蔡。分為五軍。拔其壁。遂圍蔡州。傅城而壘。以羸兵誘賊出戰。全忠盡斬之。宗權退守中州。未能下。全忠使大將胡元琮圍之。身還汴。宗權間許無備。襲取其州。執元琮。引兵復收許。宗權還為愛將。申叢所囚。折一足以待命。全忠署叢節度留後。叢中悔。蔡將郭璠殺申叢。送宗權至汴。按舊書作申叢執宗權送汴。新書但云叢中悔而不言送宗權至汴。

者何人。今据通鑑增輯全忠以檻車送京師。與妻趙俱斬獨柳下。宗權以中和三年叛。六年而誅。

按董昌拒路審中事原傳作中和三年。今依通鑑改作元年。謹加案聲明。

董昌。杭州臨安人。始籍土團軍。以功擢石鏡鎮將。中和元年。按通鑑董昌拒路審中。自領州事。事在中和元年。唐書本傳訛為三年。今改正。刺史路審中之官。昌率兵拒之。不得入。即自領州事。鎮海節度使周寶不能制。因表為刺史。昌已破劉漢宏。兵益彊。進義勝軍節度使。檢校尚書右僕射。僖宗始還京師。昌取越民裴氏藏書獻之。補秘書之亡。授兼諸道採訪圖籍使。為治廉平。人頗安之。當是時。天下貢輸不入。獨昌賦外

獻常參倍。朝廷賴其入。故累拜檢校太尉。同中書門下平章事。爵隴西郡王。而小人意足。寢自侈大。託神以詭。衆立生祠。刻香木為軀。內金玉紈素為肺府。冕而坐。妻媵侍別帳。百倡鼓吹於前。屬兵列護門。凡屬州為土馬。獻祠下。列牲牢祈請。昌自言有饗者。我必醉。寢用峭法。笞至千百。或小過輒夷族。凡民訟不視獄。但與擲博。齒不勝者死。用人亦取勝者。昌得郡王。咤曰。朝廷負我。吾奉金帛不貲。何惜。越王不吾與。吾當自取之。下厭其虐。乃勸為帝。近縣舉狂譟諄請。昌令曰。時至。我當應天順。

人。其屬吳繇。秦昌裕。盧勤。朱瓚。董庠。李暢。薛遼。與妖人應智。王溫。巫韓媪。皆贊之。吏民爭言符瑞。昌大喜。乾寧

二年。即偽位。國號大越。羅平。建元曰天冊。

按通鑑作改元順天。與此

異謹自稱聖人。鑄銀印。方四寸。文曰順天治國之印。榜

南門曰天冊樓。先是州寢有赤光。長十餘丈。虺長尺餘。金色。見思道亭。昌署寢曰明光殿。亭曰黃龍殿。以自神。以次拜置百官。初官屬不徇昌旨者。節度副使黃碣。會稽令吳鐔。據通鑑山陰令張遜。皆誅死。鎮海節度使錢鏐。書讓昌曰。閉城作天子。取滅族禍。豈若開門作節度。

終身富貴耶。願王改圖。昌不聽。鏐悉兵三萬攻之。望城再拜曰。大王位將相。柰何舍安就危。能改過。請諭還諸軍。昌懼。致犒軍錢二百萬緡。執應智王溫。韓媪。吳繇。秦昌裕。送於鏐。且請待罪。天子。鏐乃還。表於朝。以為昌不可赦。復討之。傅城而壘。昌又執朱思遠。王守真。盧勤。送鏐軍求解。昭宗遣中人李重密勞師。削昌官爵。授鏐浙東道招討使。昌乃求援於淮南楊行密。行密遣將臺濛圍蘇州。安仁義。田頔攻杭州。以救昌。鏐將顧全武許再思等數敗昌軍。昌將多降。遂進圍越州。候人言外師彊。

輒斬以徇。給告鏐兵老。皆賞。全武等益奮。昌軍大潰。遽還。去偽號。全武四面攻。未克。會臺濛取蘇州。鏐召全武還。全武曰。賊根本在甌越。今失一州而緩賊。不可攻。益急。城中以口率錢。雖簪珥皆輸軍。昌從子真得士心。昌信讒殺之。衆始不用命。又減戰糧。欲犒外軍。下愈怨。反攻昌。昌保子城。鏐遣昌故將駱團入見。給言奉詔迎公居臨安。昌信之。全武執昌。還及西江。斬之。投尸于江。傳首京師。夷其族。斬偽相李邈。蔣瓌等百餘人。發昌先墓。火之。昌敗。猶積糧三百萬斛。金幣大抵五百餘帑。而兵

不及萬人。鏐遂為鎮海鎮東兩軍節度云。

